



**Ўзбекистон Республикаси номидан  
ҲАЛ ҚИЛУВ ҚАРОРИ**

**Зарбдор тумани**

**2022 йил 17 июнь**

**4-1303-2201/745-сонли иш**

Зомин туманлараро иқтисодий судининг судьяси Ш.Х.Бегматов раислигида, судья ёрдамчиси Д.Пардаев котиблигида, Ўзбекистон Савдо-саноат палатаси Жиззах вилоят ҳудудий бошқармасининг даъвогар “Жиззах ҳудудий электр тармоқлари корхонаси” акциядорлик жамияти манфаатида жавобгар **"ZARBDOR ZILOL CHASHMASI" фермер хўжалиги**дан **71530415** сўм электр энергиясидан бўлган қарздорликни ундириш тўғрисидаги даъво аризаси бўйича ишни даъвогар вакили Б.Маматкулов (2022 йил 24 январдаги 05/370-сонли ишончномага асосан) иштирокида, жавобгар вакили иштирокисиз, Зарбдор туман электр тармоқлари корхонаси биносида бўлиб ўтган очик сайёр суд мажлиси муҳокамасида кўриб чиқиб, суд қуйидагиларни

**А Н И Қ Л А Д И:**

“Жиззах ҳудудий электр тармоқлари корхонаси” акциядорлик жамияти (кейинги ўринларда матнда Даъвогар деб юритилади) ҳамда **"ZARBDOR ZILOL CHASHMASI" фермер хўжалиги** (кейинги ўринларда матнда Жавобгар деб юритилади) ўртасида **2021 йил 1 июнда** шартнома (Юридик ва юридик мақомга эга бўлмаган тадбиркор истеъмолчилар учун электр таъминоти шартномаси) тузилган. Ушбу шартноманинг 1.1-бандига кўра, ушбу шартномага мувофиқ даъвогар “Корхона” жавобгар “Истеъмолчи”га электр энергиясини уланган тармоқ орқали етказиб бериш ва “Истеъмолчи” истеъмол қилинган энергия учун ўз вақтида ҳақ тўлаш мажбуриятини олган.

Бироқ, жавобгар шартнома бўйича мажбуриятини лозим даражада бажармаган, яъни етказиб берилган электр энергияси учун тўловни амалга оширмаганлиги сабабли жавобгарнинг даъвогар олдида **71530415** сўм миқдоридаги қарздорлик юзага келган.

Натижада даъвогар манфаатида Ўзбекистон Савдо-саноат палатаси Жиззах вилоят ҳудудий бошқармаси (кейинги ўринларда матнда Палата деб юритилади) судга даъво ариза билан мурожаат қилиб, жавобгардан **71530415** сўм қарз ундиришни ва ушбу ишни Палата ўзининг вакили иштирокисиз даъвогар вакили иштирокида кўришни сўраган.

Суд мажлисида иштирок этган даъвогар вакили даъво талабини қўллаб-қувватлаб, жавобгарга электр энергияси етказиб берилганлигини, етказиб берилган электр энергияси учун жавобгар тўловларни умуман амалга оширмаганлигини маълум қилиб, судга ушбу кун ҳолатига маълумотнома тақдим қилди ва суддан даъво аризасини тўлиқ қаноатлантиришни сўради.



Суд мажлисининг вақти ва жойи тўғрисида тегишли тартибда хабардор қилинган жавобгар суд мажлисида иштирок этмади. Суд, Ўзбекистон Республикаси Иқтисодий процессуал кодексининг 127-129, 170-моддаларига асосан ишни унинг иштирокисиз кўришни лозим топди.

Суд ишдаги мавжуд ҳужжатларни ўрганиб, ишда иштирок этган даъвогар вакилининг кўрсатмаларини тинглаб, қуйидаги асосларга кўра, даъво аризасини тўлиқ қаноатлантиришни лозим деб ҳисоблайди.

Ўзбекистон Республикаси Вазирлар Маҳкамасининг 2018 йил 12 январдаги 22-сон қарори билан тасдиқланган “Электр энергиясидан фойдаланиш қоидалари” нинг 70-банди иккинчи хатбошисига кўра, маиший истеъмолчилар ҳар ойнинг 10-санасига қадар ўтган ойда истеъмол қилинган электр энергияси учун тўлиқ ҳисоб-китоб қилишлари шарт.

Ўзбекистон Республикаси Фуқаролик кодексининг 477-моддасига асосан, энергия таъминоти шартномаси бўйича мажбуриятлар бажарилмаган ёки лозим даражада бажарилмаган ҳолларда энергия билан таъминловчи ташкилот ёки абонент шу туфайли етказилган ҳақиқий зарарни қоплаши шарт.

Даъвогар тарафлар ўртасида тузилган шартнома бўйича мажбуриятини бажариб, жавобгарга электр энергияси етказиб берган. Етказиб берилган электр энергиясидан жавобгар фойдаланиб келган.

Бироқ, жавобгар шартнома бўйича мажбуриятини лозим даражада бажармаган, яъни етказиб берилган электр энергияси учун тўловни амалга оширмаган. Натижада жавобгарнинг даъвогар олдида **71530415** сўм миқдоридаги қарздорлик юзага келган. Ушбу ҳолатлар иш ҳужжатларидаги тарафлар ўртасидаги шартнома, солиштирма далолатнома ва бошқа ҳужжатларда ўз тасдиғини топган.

Ўзбекистон Республикаси Фуқаролик кодексининг 236-моддасига кўра, мажбуриятлар мажбурият шартларига ва қонун ҳужжатлари талабларига мувофиқ лозим даражада бажарилиши керак.

Шу боис суд, даъвогар вакили томонидан судга тақдим этилган 2022 йил 17 июнь ҳолатига тақдим қилинган маълумотномага кўра, жавобгарнинг жами электр энергиясидан бўлган қарздорлиги **71530415** сўмни ташкил этиб, қарздорлик умуман тўланмаганлиги боис, суд даъвони тўлиқ қаноатлантиришни лозим топди.

Ўзбекистон Республикаси Иқтисодий процессуал кодексининг 118-моддаси биринчи қисмига кўра, суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилади.

Баён қилинганларга кўра, суд даъво аризасини тўлиқ қаноатлантиришни, жавобгардан даъвогар фойдасига **71530415** сўм электр энергиясидан бўлган қарз суммасини ундиришни, Ўзбекистон Республикаси Иқтисодий процессуал кодексининг 118-моддасига асосан суд харажатларини жавобгар зиммасига юклашни лозим топади.

Юқоридагиларга асосан ҳамда Ўзбекистон Республикаси Иқтисодий процессуал кодексининг 118, 127-129, 170, 176-180-моддаларига амал қилиб, суд

**Қ А Р О Р Қ И Л Д И :**



Даъво аризаси тўлиқ қаноатлантирилсин.

"ZARBDOR ZIOL CHASHMASI" фермер хўжалигидан “Жиззах ҳудудий электр тармоқлари корхонаси” акциядорлик жамияти фойдасига 71530415 сўм электр энергиясидан бўлган қарз ва олдиндан тўланган 21.600 сўм почта харажатлари ундирилсин.

"ZARBDOR ZIOL CHASHMASI" фермер хўжалигидан Республика бюджети ҳамда Суд ҳокимияти органларини ривожлантириш жамғармасига 1430608,3 сўм давлат божи ундирилсин.

Ҳал қилув қарори қабул қилинган пайтдан бир ой муддат ўтгач қонуний кучга киради.

Ҳал қилув қарори қонуний кучга киргач шу ҳақда ижро варақалари берилсин.

Мазкур ҳал қилув қарор устидан бир ой муддат ичида шу суд орқали Жиззах вилоят судига апелляция тартибида шикоят қилиш (протест келтириш) мумкин.

**Раислик этувчи, судья**

**Ш.Х.Бегматов**

